



Broj: 05/8-50-14-218-10/13

Sarajevo, 17. 4. 2013.

Z A P I S N I K

10. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 20. 3. 2013., od 13 do 13,15 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije sazvala je predsjedavajuća Komisije Dušanka Majkić.

Sjednici su prisustvovali sljedeći članovi Komisije: Dušanka Majkić, Borjana Krišto, Mirsad Abazović, Beriz Belkić, Staša Košarac, Niko Lozančić i Milorad Vulić.

Odsustvo sa sjednice opravdali su Milenko Obad i Sulejman Tihić.

Sjednici su prisustvovali i gosti, kao i predstavnici službi Sekretarijata Parlamentarne skupštine BiH:

- Dragan Slipac i Sreto Pekić, zamjenici direktora Agencije za prevenciju korupcije i koordinaciju borbe protiv korupcije, i
- Jovica Katić, privremeni sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije.

Predsjedavajuća je na početku upoznala članove Komisije s predloženim dnevnim redom.

Kako o prijedlogu dnevnog reda nije vođena dalja rasprava, predsjedavajuća je dala na glasanje dnevni red.

Članovi Zajedničke komisije jednoglasno su, sa 7 glasova „za“, usvojili predloženi dnevni red, čime je konstatirano da 10. sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije ima sljedeći

DNEVNI RED

- 1. Usvajanje Zapisnika 9. sjednice Komisije,**
- 2. Razmatranje Prijedloga izvještaja s Javne rasprave o izmjenama i dopunama Zakona o Agenciji za prevenciju korupcije i koordinaciju borbe protiv korupcije,**
- 3. Tekuća pitanja.**

Ad.1. Usvajanje Zapisnika 9. sjednice Komisije

Predsjedavajuća je navela članovima Komisije da su u materijalima za sjednicu dobili prijedlog zapisnika s prošle sjednice Komisije, te otvorila raspravu o njemu.

O prijedlogu zapisnika nije vođena rasprava, pa se Komisija izjasnila o njemu.

Članovi Komisije jednoglasno su, sa 7 glasova „za“, usvojili Zapisnik 9 sjednice.

Ad.2. Razmatranje Prijedloga izvještaja s Javne rasprave o izmjenama i dopunama Zakona o Agenciji za prevenciju korupcije i koordinaciju borbe protiv korupcije

Duška Majkić je u uvodnim napomenama navela da su članovi Komisije u materijalima za ovu sjednicu dobili Prijedlog izvještaja s Javne rasprave. Podsjetila je da je Javna rasprava o izmjenama i dopunama Zakona o Agenciji za prevenciju korupcije i koordinaciju borbe protiv korupcije održana je 5. 3. 2013., u organizaciji ove komisije, a u skladu sa zaključkom sa 41. sjednice Predstavničkog doma Parlamentarne skupštine BiH.

U Javnoj raspravi učestvovali su članovi Komisije za izbor i praćenje rada Agencije za prevenciju korupcije i koordinaciju borbe protiv korupcije, poslanici i delegati Parlamentarne skupštine BiH, rukovodstvo Agencije za izbor i praćenje rada Agencije za prevenciju korupcije i koordinaciju borbe protiv korupcije, predstavnici Ministarstva sigurnosti BiH, međunarodnih organizacija u BiH, nevladinog sektora u BiH, te predstavnici Sekretarijata Parlamentarne skupštine BiH.

Nakon Javne rasprave zaključeno je da će Komisija o tome napraviti izvještaj, koji će sadržavati zaključke i rezultate Javne rasprave, a koje će verificirati na prvoj sjednici nakon njenog održavanja. Navedeni izvještaj sa zaključcima, zajedno s transkriptom s Javne rasprave, Komisija će nakon toga dostaviti Kolegiju Predstavničkog doma Parlamentarne skupštine BiH.

Svi materijali podneseni tokom i nakon održavanja Javne rasprave dostavljeni su u prilogu ovog izvještaja i njegov su sastavni dio.

Po završetku Javne rasprave sačinjen je i neautorizirani transkript koji je, također, sastavni dio ovog izvještaja.

Komisija na današnjoj sjednici treba razmotriti sve prijedloge koje su tokom Javne rasprave podnijeli njeni učesnici, te se odrediti o tome koje će od njih prihvatiti i u amandmanskoj formi ih proslijediti Ustavnom pravnoj komisiji Predstavničkog doma PSBiH, koju je Kolegij ovog doma odredio kao nadležnu za razmatranje ovog prijedloga zakona.

Usvojeni amandmani postat će sastavni dio ovog izvještaja, koji će Komisija dalje, zajedno s neautoriziranim transkriptom s Javne rasprave i svim prijedlozima izmjena i dopuna pojedinih članova Prijedloga zakona iznesenim tokom Javne rasprave, dostaviti Kolegiju Predstavničkog doma Parlamentarne skupštine BiH.

Komisija je potom obavila raspravu o prijedlogu amandmana na Prijedlog zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije.

Nakon sveobuhvatne rasprave Komisija je jednoglasno usvojila sljedeće prijedloge za izmjenu Prijedloga zakona u amandmanskoj formi, kako slijedi:

AMANDMAN I.

U članu 1. stav (1) Prijedloga zakona o izmjenama i dopunama Zakona o Agenciji za prevenciju korupcije i koordinaciji borbe protiv korupcije (u daljnjem tekstu: Prijedlog zakona), koji se odnosi na član 7. stav (1) tačka d) Zakona o Agenciji za prevenciju korupcije i koordinaciju borbe protiv korupcije (u daljnjem tekstu: Zakon), briše se.

AMANDMAN II.

Član 3. Prijedloga zakona briše se.

AMANDMAN III.

U članu 5. Prijedloga zakona, koji se odnosi na novi član 17c. Zakona u stavu (1) u tački d) riječi: „osim saobraćajnih prekršaja“ zamjenjuju se riječima: „osim za krivična djela iz oblasti sigurnosti saobraćaja“.

AMANDMAN IV.

U članu 6. stav (1) Prijedloga zakona, koji se odnosi na član 18. stav (1), u tački a) riječi: „i nadzire“ brišu se.

AMANDMAN V.

U članu 6. stav (2) Prijedloga zakona, koji se odnosi na član 18. stav (2) Zakona, briše se, a umjesto njega dodaje se novi stav (2), koji glasi:

„U istom članu u stavu (2) iza tačke dodaju se sljedeće rečenice: „Za potrebe praćenja, Komisija može da zatraži posebne izvještaje. Agencija podnosi izvještaje Komisiji u skladu s propisima o zaštiti ličnih i tajnih podataka, o aktivnostima iz djelokruga u nadležnosti Agencije.““

Nakon toga, Komisija je, također jednoglasno, usvojila ovaj izvještaj sa usvojenim prijedlozima za izmjene i dopune Prijedloga zakona, proizašlim iz Javne rasprave.

Komisija je zatim jednoglasno odlučila da:

- 1. izmjene i dopune Prijedloga zakona koje je usvojila u amandmanskoj formi dostavi Ustavnom pravnoj komisiji Predstavničkog doma, kao nadležnoj komisiji za razmatranje Prijedloga zakona, te*
- 2. usvojeni izvještaj, zajedno s neautoriziranim transkriptom s Javne rasprave i svim prijedlozima izmjena i dopuna pojedinih članova Prijedloga zakona iznesenim tokom Javne rasprave, dostavi Kolegiju Predstavničkog doma Parlamentarne skupštine BiH.*

Ad.3. Tekuća pitanja

Predsjedavajuća Komisije **Duška Majkić** je u okviru tekućih pitanja upoznala članove Komisije da je Agencija za prevenciju korupcije i koordinaciju borbe protiv korupcije dostavila Komisiji Izvještaj o svom radu za 2012. godinu, te im u tom smislu predložila da u narednom periodu bude održana sjednica Komisije na kojoj će se obaviti sveobuhvatna rasprava i o ovom izvještaju.

Sjednica je završila u 13,15 sati.

Zapisnik sastavio
Jovica Katić

Predsjedavajuća Komisije
Duška Majkić

Dostavljeno:

- naslovu
- a/a